

Блаженны, глас 6: ¹

Хор: Во Царствии Твоём, помяни нас Господи, егда приидеши во царствии Твоём.

Разбойника Христэ рай жителя сотворил еси, / на Кресте Тебе возопивша: помяни мя, / того покаянию // сподоби и мене недостойнаго.

Стих: Блажени нищии духом, яко тех есть Царство Небесное.

Маноя слышавши древле душе моя, / Бога в явлении бывша, / и из неплодове тогда приемша плод обетования, // того благочестие подражай.

Стих: Блажени плачущии, яко тии утешатся.

Сампсоновой поревновавши лени, / главу остригла еси душе дел твоих, / предавши иноплемеником, любосластием // целомудренную жизнь и блаженную.

Стих: Блажени кротцыи, яко тии наследят землю.

Прежде челюстью ослею / победивый иноплеменики, / ныне пленение ласкосердству страстному обретесе, / но избеги душе моя подражания, // деяния и слабости.

Стих: Блажени алчущии и жаждущии правды, яко тии насытятся.

Варак и Иеффай военачальницы, / судий Израилевы предпочтени быша, / с нимиже Деворра мужеумная: / тех доблестями душе // мужившиися укрепися.

Стих: Блажени милостивии, яко тии помиловани будут.

Иаилино храбрство познала еси душе моя, / Сисара древле прободшую, / и спасение соделавшую, / деревом острым, слышиши, // имже тебе Крест образуется.

Стих: Блажени чистии сердцем, яко тии Бога узрят.

Пожри душе жертву похвальную, / деяние яко дочь принеси, / от Иеффайеви чистейшую, / и заколи яко жертву, страсти плотския // Господеву твоему.

Стих: Блажени миротворцы, яко тии сынове Божии нарекутся.

Гедеоново руно помыслий душе моя, / с небесе росу подыми, / и приникни якоже пес, и пей воду, / от закона текущую, // изгнетением писменным.

¹ Пение блаженн с тропарями является особенностью утрени четверга Великого канона и утрени Великой Пятницы (с чтением 12-ти Евангелий), а потому ни в коем случае не должно опускаться.

Стих: Блажéни изгнáни правды ráди, я́ко тех есть Цáрство Небéсное.

Илии священника осуждéние душé моя/ восприяла еси́, лишéнием умá/
приобрéтши стра́сти себé, // я́коже он ча́да, дéлати беззакóнная.

Стих: Блажéни естé, егда́ понóсят вам, и изжену́т, и реку́т всяк зол глаго́л на
вы лжу́ще Менé ráди.

В судия́х Левит, небрежéнием/ свою́ жену́, двана́десы́тим колéном раздели́,
душé моя́, / да сквэрну обличит // от Вениамína беззакóнную.

Стих: Ра́дуйтеся и веселитеся, я́ко мзда ва́ша мно́га на небесéх.

Любомудренная Анна моля́щися, / устне́ убо двизáше ко хвалéнию, / глас же
ея́ не слы́шашеся, / но обáче непло́дна сущи, // сы́на моли́твы ражда́ет
достóйна.

Стих: Помяни́ нас Гóсподи, егда́ прийдеси во Цáрствии Твоéм.

В судия́х спричтéся / Аннино порождéние, вели́кий Саму́ил, / егóже воспитála
Армафéма в домý Господни, / томý поревну́й душé моя́, и суди́ // прéжде инéх
делá твоя́.

Стих: Помяни́ нас Влады́ко, егда́ прийдеси во Цáрствии Твоéм.

Давид на цáрство избрáн, / цáрски пома́зася рóгом Божéственного ми́ра: / ты
у́бо душé моя́, а́ще хóщеша вы́шняго Цáрствия, // ми́ром пома́жися слезáми.

Стих: Помяни́ нас Святы́й, егда́ прийдеси во Цáрствии Твоéм.

Помилуй создáние Твоé Милостиве, / ущéдри руку́ Твоéю творéние, / и
пощадí вся согрешíвшийя, / и менé пáче всех, // Твои́х презрéвшаго повелéний.

Сла́ва Отцу́ и Сы́ну и Свято́му Ду́ху.

Трои́чен: Безнача́льну, и рождéнию же и происхождéнию, / Отцу́ покланя́юся
ро́ждшему, / Сы́на сла́влю ро́ждéннаго, / пою́ сопросия́вшаго Отцу́ же и
Сы́ну, // Ду́ха Свята́го.

И ны́не и прísно и во ве́ки веко́в. Ами́нь.

Богородичен: Преестéственному Рождеству́ Твоémú покланя́емся, / по
естеству́ сла́вы Младéнца Твоего́ / не разделя́юще Богороди́тельнице: / Иже
бо еди́н лицéм, // сугубы́ми исповéдуется естество́.